

本館新聞除禮拜外日出一  
紙 諸君賜閱本報者無論  
本埠外埠均可函致本館取  
閱如外埠閱報照加寄費可  
也除日報照常刊送外復不  
惜工本從英國採辦釘書機  
紙各機器以待與 各官商  
刊印書籍單件並有英國各  
種活字及各式花邊等延有  
西人排印工藝甚精所有中  
西文字均能刊印並有石版  
印字大小機器均用精工刊

第 二 千 六 百 一 十 號

# 申報

(號一十第牌門口虱巴舊在設開館本)

印工緻絕倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謬屬  
成文以及支離費解者概不  
登報嗣後 諸君來札向所  
自諒更須寫實里而後敢  
登但來稿登與不登均不能  
將原稿收回也 本館謹白

庚寅六月廿一日

凡刊印告白第一日每一字一仙第二日以下每字半仙 (大英一千八百九十年八月六號禮拜三) 每張售錢五文每月一元每日每張售錢五文

助發售其書或銅板木板鉛板石板均無不有且字畫詩書等項尤繁多有頃地未常經見者其有益於世  
道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書  
目經已另列單張附呈 鈞覽閱者 鑒焉 本館告白

延請採訪人告白 ○啟者茲本館欲延請採訪人一名其人須諳中英及穆拉油等語言且熟悉  
本坡情形者方能合用倘 諸君欲承斯之請涉 玉至本館詢問便得特此佈 聞 本館謹啟

延請書寫 ○啟者茲本館欲延請書寫石版字人一名其人須精於楷行兩法方能合用倘能兼  
工篆隸以及宋體各字者尤佳倘 諸君有欲就斯席者請至本館面商為望 本館謹啟

## 論日本患俄甚於中國

俄人之為中國患夫人皆已知之而本報亦屢言之蓋俄人地跨兩洲擁兵千萬所索強有餘而富不足故  
每每以鯨吞蠶食為心所有附近其國諸小邦早已被其併吞殆盡然猶不知自足每欲長駕遠馭而遂其  
囊括宇宙之懷故西竊土耳其兵南謀波斯東觀朝鮮等處鷹瞵鸞顧其志非常泰西各國均無不知其用心  
故合力保護土耳其其一國以扼俄人入歐之路蓋土國正當紅海之衝若俄併而有之則若決江河可以順  
流西向真能抵禦故必須扼之而莫使其得志於紅海一帶而後始免彼西向之虞在俄人亦知各國之意  
如斯故漸緩圖歐之謀因而轉生趨亞之念今以亞洲之土地而計除南洋各島與俄馬牛並不相關者  
外所謂膏腴之地則惟中國日本與朝鮮諸國而已今試先就中國以言之其陸地之與俄界為鄰者則新  
疆一帶以及蒙古吉林黑龍江等處而已強鄰逼處實有可虞故談時事者均無不以防俄為今日之要圖  
即中國朝廷亦非不知之所以整頓邊防不遺餘力近復廣貨洋款築造鐵路以達滿蒙等處是亦為防俄  
起見然則防患之心亦未嘗不力且中國為亞洲最大之國其兵力儘足以拒俄人則俄若來攻未始不能  
抵禦且中國籌防之切在俄人亦非不知之然俄既知中國籌備之殷則亦不敢輕於啟釁此外則朝鮮一  
國實為中國藩邦俄若圖之則中國必起而拒阻是則朝鮮一國亦有難於下手此外之道無戒備易於攻  
取者則惟日本一邦而已蓋日本一國雖有強大之名然究未離弱小之實寥寥四島其地無多而又以大  
海環之敵國戰船處處可至即如元代平壹一役專攻其之西境故彼得以全力為之抵禦然在彼國之人  
亦嘗論謂元兵幸從一面而至設從四面環擊扼吾咽喉斷吾糧道絕吾兵之策應則其禍詎可勝言此外  
若德川氏之末造美艦入賀浦旋入下田俄艦入大坂旋入唐太英艦入箱館旋入長崎東西往來倏忽無  
定致其首尾不能相顧不攻而潰舉國戰然至今日者俄人特向沉機觀變不欲據開費於是昂然俄若窺  
見中國精銳無隙可圖勢必轉而趨日將用東突西衝之計率其勁旅以壓日境以日本之弱小則其兵力  
安足以拒俄人況日本平日屈事俄人以以為俄可緩急相依故無防俄之志設一旦俄師遽至其何足以當  
之是則為日本計者實覺大有可憂然欲求免禍之方則惟有親附中朝之法而已蓋中之與日同處一洲  
境土非遙安有不念唇齒輔車之義所奈因琉球一案橫梗胸中終覺難釋其嫌且不能不以此事作前車  
之鑒以為朝鮮慮故致親為疏與日本不無憾憾然其曲實在於日本誠使彼國君臣及是之時能自反  
其躬而悔前者之非而謀所以交歡中國親附中國之法是則可聯亞洲為一氣聲勢既廣則兵力自雄此  
非為中國計而實為日本計耳至於中國則地廣人多財豐器利原不藉日之助然得與日本同心協力聯  
為一氣無他顧慮即可尋其力以防俄蓋中國之與日本同處亞洲若兄弟焉兄弟相和則外患何由而至  
倘手足間自起鬩牆之變而欲禦外人之侮是則惡乎可哉所奈日人不明斯意以中朝之寬大遂邀欺欺  
凌之志噫是殆自速其禍耳吾不禁代為日本危之

德國電音 ○十九日英京發來電報云德皇現在親率海軍戰船一隊欲前往交伊士地方現抵  
多特地方等情啟賜親巡亦可見德皇之留心武備矣

蓋差被革 ○蓋役者所以奉公行法者也故凡為差役必須失勤失慎而後可以正己正人若夫身充差役而賄賂必行則閭閻之中向何可問此其被革厥罪固有難逃矣十六日護衛司巴公以事徒步出行歸途道經土庫後順街遙見有一華人以物與該處之當值巡視觀其所為狀殊醜陋公大疑之即趨至該差之前問頃聞華人所交何物該差被詰不覺面無人色半握其拳竟無以對公益疑之當取其掌看視差低頭不應公知此中有弊即舉其掌而視之則有銀五占在焉公知係頃聞華人所遺因察其號牌乃三百三十二號公乃默誌之即至巡捕官署與加君言明此事加君聞報震驚怒即立傳該差到署訊問果係受賄無疑嗣加君以地方有此蠹差則民間之事將不可問因即將該差斥革不准復充云快哉加君此舉洵足令若輩聞而生畏矣雖然助中蠹役又豈僅該差而已哉


珠還合浦 ○叻地匪徒甚眾即拐誘之事亦覺層出不窮人家小兒偶不及防即墮拐匪術中然則養子者固不可任其出遊而漫無約束也蔡王母者閩之金門人旅處叻中因携妻孥在小坡新興街中居住業已生有子女各一子則已居李郭侯詠棋之歲而女則甫及三齡也去年二月十三日蔡妻偶感患病故不能撫及雙離而蔡子及女偶嬉遊於路中未幾子忽皇皇然歸哭語其父云適與妹在門前嚼戲詎忽有一生面男子至抱妹而去其步如飛轉瞬已杳云云蔡聞子語知女為匪徒所拐乃即出而追覓竟無踪跡既而高懸賞格欲為尋購亦覺影兆毫無在焉幸陰業已年餘於此在蔡夫婦亦自拚珠還遺海無處可以追尋矣又豈意周象求珠得諸無意而天涯骨肉復得團圓先是蔡恭者王母之族中昆弟也向操中船為業常往來於檳城之過港地方即俗名曰大山脚者該處娼寮林立離鸞飛燕錯雜其間恭固久曠之夫故於花月場中不無留戀本年四月恭偶至該處某茶話話見有離異一口甚類王母所失之女蓋恭常至王母處素與女狎而王母失女之事恭亦早已知之今觀蔡中之女與王母所失者狀貌無異因細為諦視而女見恭亦耽耽注目作欲認不認之狀恭益疑之因退與語則女曰悉變作粵籍口音恭故以閩語挑之時女恍惚聞於無意中向能對答一二語恭至是益知非偽乃於人靜時私以問妓知為去年二月初三日行抵叻中因即至王母處與言此事王母聞耗不禁為之喜躍因重託恭代為此事備資往贖若能贖回固佳倘事不諧則可認諸公庭一面發電來坡俾親往檳城對簿可也恭如命而去迨至本月十六日則已載女言旋矣初恭抵過港時即覓得該蔡之舖因與言贖女之事并言此乃己之姪女現其父居叻地因失女故終日悲啼幾至寢食俱忘迄今年餘每一談及猶覺淚落泫泫下觀其情狀大為可憫故欲與其贖回俾得完其骨肉等語幸該舖惻隱之心未泯聞恭所語亦不禁為之動憐因曰吾觀此女實不資倘君為其輩贖以完骨肉此係善舉竊甚喜之至於給回若干憑君自為裁度老身斷不與較也恭聞語亦喜曰然則補回六十元與嫗何如嫗曰任從尊意老身早已言之吾豈以此為奇貨哉恭至是欣喜不勝乃即出資與舖將女贖回致謝再三乃携女回船載之返叻云若蔡女者亦殊幸矣設非與恭相遇則王母焉能得之而不將人問贖降墮為薄命之花也哉於此觀之可見拐匪之害人其罪孽實無盡藏矣養子者其尚慎旃

富反多憂 ○嘗觀說部載有富室某擁鉅資而多憂慮終日持籌握算低首攢眉其鄰某甲四壁蕭條惟藉小販以謀日給然毫無憂慮每日販罷歸來則酌酒一盞與妻孥聚而暢飲時吹短笛而和以無腔之曲怡然自得甲以貧而樂某以富而憂某常見甲所為因慕其志之潔而品之高乃慨贈以白金數百元命其經營生理以為擴大門閥計詎甲得此資後經營漸廣而入息亦漸豐於是乎憂慮亦覺漸生昔日之歌聲笛聲久不見其復作某異之因特訪諸其家則見甲方極首攢眉作無限憂思之狀某異而詰其故始知甲處貧時毫無牽掛故能得苦中之樂今已略有所蓄則終朝籌算而憂慮遂由此而生蓋人於患失之心殆尤甚於患得也謂予不信請以吉蘭丹僑之事質之查吉僑之為世子時裙屐翩翩風流自命日逐王孫公子作尋芳選勝之游蓋生長豪門并不知煩惱為何事也自前年老父死後傳位與弟始猶嬉嬉不知愁近日忽覺無慮不勝竟無片刻之安有知所以然之故者謂僑初本不知煩惱乃至前月間欲知其所藏寶物乃下令親自盤查府庫乃入庫而後見金銀堆積累累其金均貯於篋中而篋面不過以薄板蓋之并無廚櫃為之封鎖而銀則散堆於地篋觀於此不禁為之駭然以有此多金而不能妥為固藏誠恐難免多藏厚亡之事以故終日焦慮幾至寢饋難安至今尚復如斯正不知其若何究竟也觀於此事則富而轉多憂慮反不若安貧樂道免此身心受役於阿堵之中也

狂且肆毒 ○十八日夕陽西照暮烟縱橫有日本妓婦二口僱有閩御手車與之以作郊遊之樂迨至道經於英大書院前之海傍適有穆拉油狂徒計共六七八人與妓相遇途次不料見獵心喜遂以美豔在前不作目逆送之頗以穢言戲弄而該妓因羞成怒猝與唇槍以響之鬧諸狂徒不甘受辱爰欲率以老拳以伸厥忿詎該妓見其來意不佳即着御車疾馳以避兇鋒時有一狂徒猶不知止依然尾後追來竟欲將車推覆而妓遂以手持小杖極力揮之適中其手狂徒怒竟拾石子投之遂破一玻璃顛瀉淋漓鮮血痛不可耐該妓遂疾聲鳴捕爭奈該處素乏巡差亦不能為之緝獲惟有付諸無可如何而已嗣諸狂徒以妓受傷頗重亦不為之再追遂即分途而去云

術工圖騙 ○聞有潮人李某者寓於小坡峇利街查其在昔營生有謂於前數年曾有暗售私烟嗣以謀為不利今則已為改業另圖矣詎有其同籍某甲者向在某處山間開闢園耕植頗有所積第染有烟霞癖癖耽耽之餘吞雲自樂於十七日緣事抵叻適於爪哇街與李相遇

售出酒蜜



啟者本行由歐洲辦到上等密酒  
來助發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行銀匙標者本  
行定必嚴為控究再此酒不能販往  
加勝吧 三寶瓏 泗里末  
望加錫 檳榔嶼 日裡等處其  
他各埠均能運往並此佈聞  
大英一千八百八十六年十一月十  
八號 天 明碼也洋行啟



賣發酒密烏



啟者本行向由英國督辦各  
種美酒來助發售久已遐邇  
馳名茲復由英新辦到頭爾  
士斗雲字號之狗頭標烏密  
酒到助應店此酒香爽異常  
不惟飲之可口且能保養精  
神助和血氣常飲令人不生  
疾病誠酒中上品也 諸  
君光顧應細看以上所列之  
狗頭標庶不致誤且價甚相  
宜倘 諸君有欲酌飲者請  
至本行取用可也此佈  
大英一千八百八十八年八  
月十五號 明碼也洋行啟

售出酒池蘭萬標葉蜂上頂國法



敬啟者茲本公司親由法國督辦頂上  
好萬蘭池酒來助發售其酒清香濃郁  
醇厚異常飲之誠可令人長血氣壯筋  
骨悅顏色妙美無窮今市上所有萬蘭  
池酒無有能出其右者誠佐饌中妙品  
也至此酒惟本公司一家沽出餘無別  
家出售 諸君光顧請細認蜂葉標頭  
為記並細辨香味方不致誤價甚相宜  
倘有躉份之購者祈早至 東臨沽買  
是幸  
大英一千八百八十八年六月二十號  
大清光緒十四年五月十一日  
明碼也公司謹啟


品三賣出



啟者本行督辦歐洲馳名三品洋酒來助發售  
其酒係白頭款式發售有年沽飲 諸君莫不  
稱其香爽奈近有無恥之徒假冒本庄三品酒  
款式以圖魚目混珠情殊可恨嗣後 諸君沽  
買本行白  
即三品酒  
者請細認  
本號招牌  
之內有小紙包頭計華字新嘉坡總明碼也公  
司者始無伴若此字樣即屬偽冒請為細認特  
此佈聞 大英一千八百八十五年十二月  
十九號 明碼也公司謹啟



嘗思營生之道所最要者則惟儲蓄其次則惟銀兩然必須有以善藏始無意外此本  
行鐵櫥所以為 諸君之所共賞也啟者本行所賣之鐵櫥久已馳名於東方一帶而  
於叻坡則聲名尤著至本行沽賣此等鐵櫥已有三十年之久其製甚為堅固保能避  
名火且其匙鑰甚妙斷非盜賊等所能開計其 全身均用鐵製  
無雜成並以木料且諸櫥自前至今均  
為一式堅固並無有優劣之分至於各  
廚大小不一而價值則約一百元至四  
百元凡用之者可保其不礙焚燒即遇  
出火災亦無所損本行之鐵 實為叻坡諸華商所喜購而本行  
每年所沽亦殊不鮮茲特為之錄佈倘 諸君有惠顧者祈即玉臨選購為盼  
大英一千八百八十九年十一月十八號  
大清光緒十五年十一月初六日  
明碼也洋行謹啟





西國頂上密酒發售

# Kulmbacher Bock-Bier



敬啟者茲本行親由歐洲督辦頂上正裝密酒來叻發售其酒香美異常且蒸製最為得法功能清涼解毒暑除煩於南洋尤為相宜常飲之可令人不沾暑濕痼疾等症茲特將來發售價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈聞  
大清光緒十四年九月廿七日  
大英一千八百八十八年十月三十一日

女醫問世○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應諸君之聘倘有賜教者祈如期惠臨為盼  
大英正月十一號西國女醫威勞付謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬富行出色者更有無須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相盒金表練金戒指等各物甚多不能備錄而本店并能代 諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼  
大英一千八百八十年八月十七號

新到頂上月宋煙及各式煙等發售 ○啟者茲本號常有新到頂上月宋煙發售其煙乃本號親在小呂宋採辦上料精工監製至本坡發售其煙之名號如 刺因修刺 刺士丹西亞 刺巴刺 下路高美打民路烏里因知等名煙無不俱備又荷蘭及春刺馬即仰光等煙亦常有便沽其荷蘭煙乃向荷京之蘭亞卓等家購至而春刺馬即仰光之煙則向仰光曼多尼等諸名家購辦較來而本號并售烟之方亞蘭仁打號所選購其香清越其味醇厚令人吸之心曠神怡迥非他家所及其土耳其之紙乃向土京毛刺池公司採辦而本號并有督辦頂上之棉不勞參及馳名之直里加士打即三金塔之美國烟絲發售以備 諸君自行捲用非常有呂宋烟袋及各煙盒呂宋烟嘴等發售而烟嘴之款式甚多可備 諸客選擇前自辦各式烟紙如 咸谷 高士精寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至十庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞  
大英一千八百八十九年十一月廿六號

再為佈告 ○啟者本號以上所出之告白有烟名曰刺因脩刺者煙此乃天下馳名久為眾士商所共悉其以海拿裝者乃特聘之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞春柔園中所產之頂上烟葉所製此煙於前者歐洲開設賽煙會之際曾經往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天下為下而 諸士商所樂為之購者也是以本號另行分枝一間在新嘉坡土庫花園邊第八號門牌吉靈拍賣館之隣以使諸紳商人等時加惠顧以應所需倘蒙 諸君賜顧尚懇移 玉前來以憑選擇本號於西國各烟無不備有且其價格外從廉尚懇惠臨不勝厚幸特此再佈  
英一千八百八十九年十一月廿六號 打答基里亞幼尼巴西烟店謹白

吉屋出賃 ○啟者茲有便厝一間在老爺宮前門牌一十五號即協恒隆現住之厝諸君欲稅請至本號面議此佈  
大清光緒十五年十二月初二日 豐興號謹啟

性殊顯熱嗣化馬復產一駒及長體殊健駕甚長夫并珍愛之常用其子代母勞而此馬則鮮有用之每月不過僅用四五日之譜而已前數月夫以事欲返檳城因念兩馬艱於携帶因託經紀人與之代為傳去嗣有閩人某以價二百二十五元與其購得惟夫素愛此馬誠恐其過於勞苦因與購者議定買受此馬祇許自以為駕車之用不得以牽出稅之車蓋以出稅馬車則終日馳驅并無稍為停歇故也成交之後夫即携眷言返檳城詎其婦近日以病而殞夫固伏憫情深不禁神傷泰情遂於本月上浣再游叻地欲借此以略解愁煩前日偶然出行見有出稅之馬車一輛其馬酷肖自己所售之物就前細視果其此馬也見其勞瘁不勝氣喘欲絕不禁五中如裂登即覓得當日之經紀人責其負約并着即將兩馬贖回乃費去三百五十元遂將兩馬贖返夫細視馬子依然無恙惟此馬行年已老且為出稅馬車所取以至體弱不勝夫觀之意良不忍欲為祭之至死則家寓檳城艱於携帶然欲捨之而去則又妨受虐於人不如送其生天庶彼靈魂得以早歸樂國遂於前日以佳料飼馬至飽乃帶至牙籠地方焚鎗將其擊斃乃以做帷廬之郊外揮淚而歸翌日即將馬子載回檳城自為畜祭矣

賭婦被棄 ○賭之為害其禍最烈然查賭禍之最烈者匪特以翻攤為然而於花會則尤甚夫翻攤之設其禍或僅及於男子而於花會之創其禍遂兼流於婦人蓋花會之博小往大來其獲采之豐有數十倍於翻攤之利且無論本之多寡皆可與局而博然則囊尚有資猶可充為孤注彼諺所謂慢火煎魚者非耶則謂花會為禍之最烈者不從可想而知哉聞有葡萄牙人名如紅者向在丹戎巴葛某機器廠充當機師薪水頗豐饒有所積業娶一婦寓於甘公芒古魯不謂該婦向染買遠之癖每有所積日以博花會為事貪心一熾其賭為緣詎知未獲賭符猶嗜賭香撲鼻以故囊中所有久之盡為賭徒攫去於是愈賭愈輸愈輸愈欲為快復前資終日營營莫不以花會為事貪心一熾其賭為緣詎知未獲賭符一却恨囊中無資遂以平日所積之首飾以及軟細衣物半質於長生庫裏以供嗜賭之所為迨至日復一日而於所投之花會其自以為推轂而命者固明明在我目前及賭徒之所開又總總出吾意外噫而於所質之資則亦為賭徒攫去花會之設依然如故孰意婦之嗜賭其迷途猶未返也嗣如囊中告竭適為僱租者至門如不欲爽厥愆期因呼婦取出首飾各物欲為典押得資以償稅款至是婦不能將各物為之交出則買賭之事因敗露焉如以婦係屬女流而嗜賭若此不禁為之髮指以故深為督責勒令此後不得復復故轍毋致一敗塗地以貽他日之憂詎婦賭若性成恨往時之負資思今日之得利猶是伺如弗察百計張擲久則乘恥盡喪射緣竟利依然花會理頭冥冥然固覺當其初觸奕莫掃如向不察及至穢德彰聞如得稍知其事忿恨不勝嗣以纖跡未據不得明攻厥罪靜以伺之於十八日如乃獨坐堂中婦在於房忽有不識之輩踵門呼婦偽作某戚喚婦過訪者然婦至是理粧欲去時則命值先返詎如見值之形跡殊有可疑因要路俟值而察姑示以勢為恐嚇之謀欲究婦為阿誰所喚值據請婦向有外遇為覓蠅計今我之來係為外遇者之所擇也如得其實釋值而去歸至家適婦歸而而出於是知婦之淫行無疑實亦責之不勝責而防之無可防矣如不得已延其岳至詳告該婦之所行因作離鸞之舉岳以有女如此亦引為門戶之羞不禁互相交惡焉第不知該婦歸來此後作何了局也然則該婦之耗財失節莫不以花會而誤之也賭害之慘可勝言哉

獵虎新法 ○寓居廈門之西人喜獵虎現又察知虎性畏火光使鄉人在山探尋虎穴見有虎入即時報知於夜間持鎗而往令人燃點火把直向虎穴照入虎見火光蹲伏在地以前足遮其頭兩眼緊閉不敢稍動西人乘虎蹲伏時急放連環鎗無不立時倒斃初八日德記洋人又獵得小虎一頭權之重一百十數斤因憶西國戲士然點火圈使虎跳過悉聽指揮此亦虎性畏火之一証也

安瀾獻慶 ○金龍四大王為掌河極尊之神與黃大王朱大王粟大王黨將軍五龍諸將軍等累受 勅封係昭靈蹟河工人員及天津人士曩年會皆親見之洵屬捍災禦患功德在民者也聞上月廿三晚六點鐘運河上游會經舟子榜人等恭迎得大王一位並將軍一位相隨到津當即報知水地方稟請鄉甲局員速詣綠呢顯廟一乘及肅簿儀仗全副敬舉至呂祖堂供報俾乘連日演戲之際接獻新劇以答神庥蓋相傳大王與諸將軍夙好觀劇故也日來想已稟誠文武諸大僚頂禮焚香擇吉請入大王廟廟重講筵贊而殷享祀并敬悉恭迎之神為累大王係前河督栗恭勤公化身生治水前有功歿後上膺 天爵生而為英沒而為靈有自來也但同治年間津行迭見水災諸大王屢降化身為之保障今當河流增漲忽邀神駕臨得毋七十二沽間又將成澤國乎固望大王默佑保我黎民兼勸華洋人士速結善緣以期人定勝天共免其魚之患則大幸矣

京報選錄 ○安徽巡撫臣沈秉成跪 奏為審明強劫得贓拒傷事主身死案犯按例分別定擬恭摺仰祈 聖鑒事竊查六安直隸州知州尹起鸞詳報事主黃仲成家被匪行竊臨時強劫得贓拒傷事主之父黃學倫身死並傷黃何氏等平復一案先經會營勘驗緝拿先後獲犯周起明高顯世高顯明三名並起獲原贓白布一疋暨監械刀鑿等件訊供通詳審擬解司核悉案情未確發委安慶府確審因犯供狡展行提原拿差役先期赴湖北省緝案循例詳查展限據報該犯高顯世在安慶府監病故札委署懷甯縣知縣陳兆慶驗訊刑禁人等並無凌虐情弊繪具圖結詳報經前撫臣批飭核入正案辦理在案茲據該署州將原批解到省發局提訊訊擬詳由署署臬司丁峻審明勘前來臣提犯觀訊緣周起明高顯恒高顯明分隸清陽縣六安州均游蕩度日先未為匪犯案光緒十二年二月二十日周起明等在該州地方會遇素識在





告


白

有寫字樓在單邊街第二十號門牌倘諸君有欲酌量事務者祈移玉至本寫字樓內相商便得特此佈聞  
大英一千八百九十年七月八號  
華五月廿二日  
施加伊屈狀師啟

售出酒密標狗



諸仕商多好飲之深蒙獎譽此緣該公司所製狗標密酒其入樽之法殊屬合宜蓋裝載密酒之法最難必須能合其法合其時其氣味始能芳烈運速均有不可該公司深明此法故其所製之酒較於別家所售者為佳蓋此酒雖以酒名然其功可以消暑除煩飲之能令人心爽神怡並無醉後亂性之患故飲之者甚為獲益也查烏白密酒所最銷流之處係以暑地為多此酒乃歐洲峇士公司所製均用上料與別家不同諸君有欲購買者請細認勞末波打公司狗標為記庶不致誤特此佈聞  
大英一千八百九十年五月十七號  
大清光緒十六年三月十九日



白告行洋里直

美國紐約上等雪文發售 ○啟者茲本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌櫃等若經此雪文洗濯儼與新者無殊至於盤碗鼎鑊等物若有油污洗之立淨他如白鐵器物洗之亦無異於新者所有面盆浴桶及窻頭一切油膩所污之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故能馳名遠近也 諸君惠顧祈早 玉臨不勝厚幸  
大英一千八百九十年二月十號  
大清光緒十六年正月廿一日

售出酒密白



啟者本行親在歐洲督辦龜麥之白蜜酒及卑施拿之白蜜酒來助發售其龜麥之酒係作飛燕標卑施拿之酒係作熊標其酒香美異常可以止渴潤腸且縱多飲亦不至有醉人之患在叻嶼甲各埠以及門答納慕娘暹羅安南等處 諸君均喜飲之而叻地各酒店更多購用本行之酒可見酒質之美故能廣擅銷場



而本行并有希打馬號之威實枝酒及蘇禮勿蘭號之狗標加壓力酒均係西方佳釀且價廉味高與市釀大相逕庭而本行復製有軟烟及歐洲各式烟發售更有鐵廚製造其精前無雜以木料而其鐵輪非盜賊所能開本行之沽賣此廚已有五十年之久素蒙諸君樂為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉惠臨選購為盼特此佈聞  
大英一千八百八十九年十二月二號  
葛士兄弟洋行告白

RIGAND'S KANAGA WATER.

列頭干那芽花露水 ○此水係以干那芽花所製其花出自日本國中香冠凡卉乃列頭君在日本探辦載回法京製成此水以故其香甚之而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗面能令人肌膚嫩滑顏色光潤且瘡癤不生本藥房製成此種花露水銷流已久遐邇傳揚不料近有德商仿照本藥房所造此水以圖射利其實氣味遠遜迥隔霄壤 諸尊有願買此水者請看以下所列第一款之西字標頭本藥房所用製載此水之樽係有浮凸字樣如下所列第二款式且有西字註明列頭公司字樣如標各均有細書號據始為真貨否則係偽混冒倘祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此

'KANAGA DEPOSE'

4430.

MORRHUOL.

模好呂解毒保元藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒且能調和營衛保養精神現在法英美等國醫士所用花柳取毒之藥均用此丸無不藥到病除立見春回若服此丸須仿照飲魚肝油之法要緩緩吞下必於用時吞服一二粒切勿誤為急吞以背服法此丸係以樽裝每樽計一百粒現託新嘉坡藥房麥加君處代售此佈  
大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶癰閉一切等症如症雖痛癢之立止而服藥後約歷二三日即見功效但所患過重者須每日吞食六次每次吞食二粒至痊愈後宜再服十日庶幾消除後患永絕根株食此藥時宜戒色犯忌氣怒勞動等事幸勿自誤致礙藥力之不神也此藥託交新嘉坡藥房麥加君處代售此佈

FRUIT JULIEN.

浮律如生果糖 ○此藥糖係採鮮果之汁加以藥料和製成塊略如糖粒氣味甘佳而其功效較於油為日無論男女老幼均能飲食且其味有如糖菓最為適口尤為小兒所愛其藥力均可治肚汁太多重舌頭痛鬱結大便不通斑疹血熱血毒以及皮膚疥癩等症飲之亦可涼血行滯且能令臟腑潔淨痼疾立除但飲之法宜於臨睡時吞飲一二粒至翌早飲茶一杯須臾即覺大便通利身能爽快此藥現託交新嘉坡藥房麥加君處代售此佈

